

يالعفنتي بذمة الحيرة وحيدة يالعفنتي عمري بعدك ما اريده

يالعفنتي يالعفنتي

تذكر بصغرك اشياك فوق ذرعاني
چنت أقول الـ والدي هذا الولد حاني
وچنت إذا أحزن وشوفك أنسى أحزاني
ونبقى وسط البيت واحد حاضن الثاني

ولله تعميني الصور يا خويه عباس
وعيني غطاها الكدر يا خويه عباس

ذكرتني بعمرى أيام الطفولة ذكرتني وهسه مدري شال أقوله

يالعفنتي يالعفنتي

كافلي يا محلى ليّام التداريني
أختك أني امدالله ياخويه تدريني
چنت إذا أمشي چفوفك هيّه تحميني
وبظلالك يا قمر هاشم تغطيني

يمتى تنظرني البشر يا خويه عباس
وهسه يا هو الما نظر يا خويه عباس

ضيعتني من رحمت يم الشريعة ضيعتني وصرت ما تسمى الوديعه

يالعفنتي يالعفنتي

يا قمر هاشم اسألك بالله جاو بني
تدري بالسوط الشمر ياوسفه يضربني
ما كفى ولله يخويه من يعذبني
جاب راس احسين اخويه ويمه ايذبني

خدي بچفوفه انسطر يا خويه عباس
وقلبي بالحسرة انفطر يا خويه عباس

اتركتني والشمر ما عنده نخوة اتركنتي قام يضرب متني قوة

يالعفنتي يالعفنتي

صرت اتجفف يخويه لا ينظروني
وبقطع جفك يبو فاضل يعيرونني
ولله ما همني الضرب لمن يضربوني
همي يابو الغيرة ولله من يسبوني

ولله شيبني القهر يا خويه عباس
وصرت محنية ظهر يا خويه عباس

من يسبني چاتل احسين ورضيعه من يسبني الشرب سيفه نجيعه

يالعفنتي يالعفنتي

من رحمت يا ابو الشهامه توفي بدينك
صحت ربي لا يفرق بيني وبينك
مادريت امقطعه يا خويه چفينك
والعمد ياويلي فاضخ وسفه اجبينك

راسك شلون انشطر يا خويه عباس
ما إله خويه آثر يا خويه عباس

حيرتني من شفت راسك توزع حيرتني قلت ليه ما بترجع

يالعفنتي يالعفنتي

ماهقيت ابلحظة عيني والله اتعوفك
انكسر عمري يخويه بطيحت اجفوفك
شلون انظرك جثه مرمي وبادي اخسوفك
جسمك اموذر وصل وسكينة اتشوفك

من طحت يم النهر يا خويه عباس
عيني ماشافت قمر يا خويه عباس

أمتني من تسائل عمي وينه أمتني وين راسه وين ايدينه

يالعفنتي يالعفنتي

من وقع منك علمنا وطحت عالغبره
بعيني شفت حسين اخويه منكسر ظهره
والله ألمني نحيبه مهجة الزهره
قلي يازينب كفيـلج جثـه مطشره

الظهر منه انكسر يا خويه عباس
مو دمع قلبه انهـمر يا خويه عباس

عذبتني من سمع قلبي نحيبه عذبتني صرتي يازينب غريبة

يالعفـتي يالعفـتي

ارتحل عنك يخويه بحبل مسبيه
واندبك عباس انهض ما احد ليه
نظرة لو تنظر لأختك والله مدميه
لچن عينك يا حسافة بسهم مطفيه

جرحي لا ما ينجبر يا خويه عباس
مارحمني هالدهر يا خويه عباس

اذبحتني صوت ضحكات الشماته اذبحتني حيدرہ أسره بناته

يالعفـتي يالعفـتي